



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXIII. Breve in quo dispensatur cum Clericis, & Laicis Congregationis
Clericorum Pauperum Matris Dei &c. qui in dicta Congregatione tanquam
in statu Regulari, & sub titulo Religionis solemniter ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Decretum irritans.

tales census, & contractus cum eis initi non fuissent.

§. 6. Decernentes easdem presentes literas firmas, validas, & efficaces existere, & fore, suosque plenarios, & integros effectus sortiri, & obtinere, ac dicto Monasterio in omnibus, & per omnia inviolabiliter observari, nec de subreptionis, & obreptionis, aut nullitatis vitio, seu intentionis nostrae, aut interesse habentium consensus, aliove quolibet etiam quantumvis magno, & substantiali defectu, notari, impugnari, infringi, retractari, ad terminos juris reduci, in controversiam vocari, aut adversus illas aperiitionis oris, restitutionis in integrum, aliudque quodcumque juris, facti, vel gratiae remedium intentari, vel impetrari, seu impetrato, etiam motu, scientia, & potestatis plenitudine paribus concessio, vel emanato, quempiam in iudicio, vel extra illud uti, seu se juvare, ullo modo unquam posse. Sicque & non aliter in praemissis per quoscumque Iudices Ordinarios, & Delegatos, & causarum Palatii Apostolici Auditores, ac S. R. E. Cardinales etiam de latere Legatos, & alios quoslibet quacumque praeminentia, & potestate fungentes, & functiones, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 7. Non obstantibus praemissis, ac Constitutionibus, & Ordinationibus Apostolicis, necnon omnibus, & singulis illis, quae memorati Praedecessores in suis respectivè litteris supradictis voluerunt non obstare, ceterisque contrariis quibuscumque.

Transumptorum fides.

§. 8. Volumus autem, ut earumdem praesentium litterarum &c. Transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in iudicio, & extra adhibeatur, quae adhiberetur ipsis praesentibus, si forent exhibitae, vel ostensae.

Dat. P. An. 1. die 11. Oct.

Datum Romae apud S. Mariam Majorem sub annulo Piscatoris, die 11. Octobris 1670. Pontificatus Nostri Anno primo.

Anno à Nativitate D. N. Jesu Christi 1670. Indictione octava, die verò 24. Octobris, Pontificatus Sanctissimi D. N. D. Clementis Divina providentia Papae X. anno ejus primo, supradicta Constitutio affixa, & publicata fuit ad valvas Curiae, & in acie Campi Florae, ac aliis locis solitis, & consuetis Urbis, per me Carolum Franceschinum Apost. Curf. Joseph Pizzardus Mag. Curf.

XXIII.

Breve in quo dispensatur cum Clericis, & Laicis Congregationis Clericorum Pauperum Matris Dei &c. qui in dicta Congregatione tanquam in statu Regulari, & sub titulo Religionis solemniter profiteri non intendunt.

De horum Clericorum Congregatione, vide quae indicavi tibi ad Const. 92. Cum sicut, Alex. VII.

Edita An. D. 1670.

CLEMENS PAPA X.

Ad futuram rei memoriam.

Clemens IX. quid fecerit.

§. 1. Cum scilicet, rec. Clemens Papa IX. Praedecessor noster Congregationem secularem Clericorum Pauperum Matris Dei Scholarum Piarum nuncupatam, in quo vota simplicia dumtaxat cum juramento perseverantiae ad praescriptum litterarum rec. mem. Alex. PP. VII. Praedecessoris pariter nostri in simili forma Brevis die 24. Januarii 1656. expeditarum emittebantur ad primævum statum Regularem, & titulum Religionis, in quo illam pie mem. Gregorius Papa XV. etiam Pra-

decessor noster olim per suas itidem in forma Brevis die 18. Novemb. 1621. emanatas litteras constituerat, auctoritate Apostolica restituerit, ac re-integraverit, prout in ipsius Clementis Praedecessoris litteris pariter in forma Brevis die 23. Octobris 1669. desuper expeditis, quarum tenorem praesentibus pro plenè, & sufficienter expresso, & inserto haberi volumus, uberius continetur.

Causa decreti.

§. 2. Nonnulli verò tum Clerici, tum Laici, qui ante praenarratam reintegrationem vota simplicia, & juramentum perseverantiae hujusmodi in d. Congregatione emiserant, supplices à Nobis petiverint, ut quando ad professionem solemnem in hoc novo Religionis statu emitendam minimè se vocari sentiant, & inter solemniter professos ipsi non solemniter professi quietè, ac sine regiminis perturbatione degere non satis valeant, eosdem à praenarratis votis simplicibus, & juramento in praedicta Congregatione emissis prorsus eximere, atque ab eorum vinculis absolvere de benignitate Apost. dignaremur.

Dispensatio qua in Rom.

§. 3. Nos illorum ac dictae Congregationis statui, & quieti quantum cum Domino possumus providere cupientes, de nonnullorum Romanae Curiae Praetorum super hoc negotio à nobis specialiter deputatorum, qui rem semel atque iterum examinarunt, & maturè perpenderunt, ac etiam dilectum filium Procuratorem Generalem dictae Religionis audiverunt, consilio, dilecto pariter filio Praeposito Generali ejusdem Religionis harum serie praecipimus, & mandamus, ut omnibus tum Clericis, tum Laicis, qui aliis in statu d. Congregationis vota simplicia, & juramentum perseverantiae emiserunt, & adhuc solemniter juxta enarratam reintegrationem professi non sunt, terminè intra Italiam quidem existentibus duorum mensium, intra Insulas verò Italiae adjacentes trium, extra Italiam autem, & Insulas adjacentes quatuor mensium respectivè auctoritate nostra Apostolica statuatur ad declarandum, an velint supradictae reintegrationis beneficio utentes, solemniter profiteri, & ad ipsam professionem solemnem emitendam.

Laici & Clerici professione non soluta à voti vinculo absolvantur.

§. 4. Quo termino elapso, & solemnè professione non secuta, Laici quidem, & Clerici minoribus tantum Ordinibus initiati dimittantur, & à suorum votorum simplicium, & juramenti vinculo per dictum Praepositum Generalem eximantur, & absolvantur.

§. 5. Clerici verò sacris Ordinibus initiati si patrimonium, aut Beneficium Ecclesiasticum congruae sustentationi ad praescriptum Sacri Concilii Tridentini sufficiens obtineant pariter dimittantur, sub Ordinarii loci obedientia permanuri: Iis verò qui patrimonio, aut beneficio caruerint, permittatur, ut in Domibus, sive Conventibus dictae Religionis una cum solemniter professis, voce tamen activa, & passiva caritari, permanent. Quod si discedere malint etiam dimittantur, itidem sub Ordinarii loci obedientia permanuri, & ab exercitio suorum Ordinum donec, & quousque patrimonium, aut beneficium sufficiens obtineant, suspensi.

Decretum irritans.

§. 6. Decernentes easdem presentes literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum plenissimè suffragari, & ab eis respectivè inviolabiliter observari; Sicque in praemissis per quoscumque Iudices Ordinarios, & Delegatos etiam causarum Palatii Apostolici Auditores iudicari, & definiti debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 7. Non obstantibus praemissis, ac Constitutionibus, & Ordinationibus Apostolicis, necnon dictae Congregationis, & aliis quibuscumque, etiam juramento, confirmatione Apostolica, vel quavis firmitate alia roboratis Statutis, & consuetudinibus,

privi-

Privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus, pro plenè, & sufficienter expressis, ac ad verbum insertis habentes illis aliàs in suo robore permanfuris ad præmissorum effectum, hac vice dumtaxat specialiter, & expresse derogamus, cæterisque contrariis quibuscumque.

Dat. P. An. 1.
die 18. Oct.

Datum Romæ apud Sanctam Mariam Majorem sub Annulo Piscatoris die 18. Octob. 1670. Pontificatus Nostri Anno primo.

XXIV.

Confirmatio, & extensio Indultorum, Gratiarum, & Privilegiorum Congregationis Fratrum Discalceatorum Ordinis B. Mariæ de Mercede Redemptionis Captivorum ab Urbano VIII. concessorum.

Vide, quæ notavi de his Fratribus ad Const. 61. In supremo, & ad Const. 112. Ex clementi Urb. VIII.

Edita An. D.
1670.

CLEMENS PAPA X.

Ad perpetuam rei memoriam.

Prooemium.

Redemptoris, & Domini Nostri Jesu-Christi, qui se ipsum exinanens, formamque servi accipiens, pretiosi sui sanguinis profusione nos redemit, exempla, assidua meditatione pensantes, continuis excitamur stimulis, ut tanta liberalitatis memores, gemitus maximè filiorum Ecclesiæ in vinculis compeditorum, misericordiam à nobis postulantium audientes, paterna sollicitudine ad opem illis, quam possumus ferendam, eo promptius excitemur, quò illos apud gentes barbaras, & incultas durior servitus premit, vincula coarctant, perdita patria, & amissi parentes affligunt; necnon eorum, quos frequens Sacramentorum Ecclesiæ participatio non recreat, imò spiritualis perditionis evidentiùs terret periculum, saluti quantum cum Domino possumus libenter consulamus, illosque ab illa miserabili servitute sublevemus, ac operarios illi messi, quæ utique non pauca existit, ex professo invigilantes, adjuvemus, eorumque pium exercitium, quo ipsi labores expeditius suscipiendo, tam pium opus alacriùs continent, & promptius exequantur, gratiis, & favoribus quibus possumus, amplissimis confoveamus, prout in Domino conspicimus salubriter expedire.

Causa indulti.

§. 1. Cum itaque sicut dilectus filius, Franciscus à S. Stephano Procurator Generalis Congregationis Fratrum Discalceatorum Ordinis Beatæ Mariæ de Mercede Redemptionis Captivorum Nobis nuper exponi fecit, quod Fratres, & Religiosi ejusdem Congregationis in Captivorum Redemptione pro viribus occupentur, & longos, ac tædiosos labores in transfretando mari, & apud ipsos infideles dietim sustineant, & non modo in Redemptione ipsa, quæ ad omnes captivos nunquam extendi potest, sed etiam exhortationibus, conditionibus, & admonitionibus ad reliquos, qui dictam duram servitutem continent, ne fides eorum deficiat, occupentur, proprias facultates libenter exponant, discrimina quælibet, & pericula alacriter indefessi subeant, & ut tam pium opus eo alacrius fratres ipsi continent, & utilius exequantur, promptioresque ad id reddantur, plurimum cupiant aliarum Religionum, & Ordinum, gratias, & privilegia à Sede Apostolica concessa, quæ fel. rec. Urbanus PP. VIII. prædecessor noster per quasdam sub plumbo, Anno Incarnationis Dominicæ 1634. quinto Kal. Aprilis Pontificatus sui Anno undecimo expeditas litteras Congregationi Fratrum Discalceatorum Ordinis Sanctissimæ Trinitatis Redemptionis Cap-

tivorum concessit, & communicavit, Congregationi primodictæ, illius Fratribus, & locis per Nos, & Sedem eandem pariter concedi, & communicari. Nobis propterea idem Franciscus Procurator Generalis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

Confirmat.
prout in rub.

§. 2. Nos igitur primodictam Congregationem firmissimis præsidiiis vallare desiderantes, ipsumque Franciscum Procuratorem Generalem, & singulares Congregationis hujusmodi personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum ferie absolventes, & absolutas fore censentes, hujusmodi supplicationibus inclinati de Venerabilium Fratrum nostro S. R. E. Cardinalium negotiis, & consultationibus Episcoporum, & Regularium præpositorum, qui rem diligenter examinarunt, atque discussurunt, & ea omnia privilegia, & Indulta Apostolica, quibus Religio Sanctissimæ Trinitatis Redemptionis Captivorum fruitur, & gaudet, competere posse, & esse eidem proportionata superscriptæ Religioni de Mercede Redemptionis Captivorum censuerunt, consilio, eidem Congregationi Fratrum Discalceatorum prædicti Ordinis Beatæ Mariæ de Mercede Redemptionis Captivorum, illiusque Domibus, & regularibus locis sub illa comprehensis, necnon Superiori Generali pro tempore existenti, Diffinitoribus, & Procuratoribus Generalibus, Visitatori, Consultoribus, Assessori, Superioribusque Provincialibus, & Conventualibus, aliisque cujuscumque nominis Officialibus, Superioribus, ac Religiosis omnibus, & singulis in ea professis Fratribus pro tempore ad Captivos redimendos transmissis, & Capitulis Generalibus, Personis Regularibus, Novitiis, Conversis, Donatis, Oblatis, ministris, famulis, cunctisque tam officariis, quàm domesticis, & eorum Domibus inservientibus, & cæteris primodictæ Congregationis, ac Domorum, & Regularium locorum personis quibuscumque pro tempore existentibus, necnon quibusvis aliis personis, ac Christi fidelibus illorum Ecclesias, seu Cappellas pro tempore visitantibus, ut omnibus, & singulis privilegiis, libertatibus, immunitatibus, exemptionibus, præminentibus, antelationibus, concessionibus, indultis, favoribus, indulgentiis, aliisque prærogativis, & gratiis universis, & singulis, tam spiritualibus, quàm temporalibus, singulis Domibus, Conventibus, & aliis Regularibus locis, ac personis, tam Canonicorum, quàm Clericorum Regularium, ubivis existentium institutis, & non solum Ordinibus Monasticis, Regularibus Mendicantium, & non Mendicantium, tam pro redimendis, quàm aliàs quomodolibet Ordini Sanctissimæ Trinitatis Redemptionis Captivorum, illiusque Domibus, Conventibus, & Fratribus, necnon Ordini Beatæ Mariæ de Mercede Redemptionis Captivorum, ac etiam omnibus, & quibuscumque Congregationibus Regularibus, & præcipuè Clericorum Regularium infirmis ministrantium, & Canonicorum Congregationis Sanctissimi Salvatoris Lateranensis, Sancti Salvatoris de Bononia, ac etiam S. Ruffi Valentis, & Sanctæ Crucis Conimbriz, Clericorum Regularium de Somascha, & Pauperum Matris Dei, ac Scholarum piarum; ipsisque Monasticis Congregationibus etiam Cassinensi, aliisque Monachis, & Monasteriis S. Benedicti, S. Hieronymi, Carmelitis Discalceatis, Conventui Beatæ Mariæ de Guadalupe, necnon Societati JESU, ipsisque Carthusiensium, Præmonstratensium, & Reformatorum Cisterciensium, Servitarum, Oli-

vetanorum